

Cin Daengz Runghbya

☐Vangz Caijsen / 黄彩线

Yangzliux caengz heu roegenq mbin,
Bauq cin madaengz mbanjrungh raeuz;
Daengngoenz hwnj sang diegdieg raeuj,
Gyaeujmbanj henzloh valeux hoengz.

Rumz baet mok sanq boby a cingx,
Ndoengfaex ndiusingj riuvaouvau;
Cieng daengz bauqsa yiengjyauyau,
Gomaenj hausak goreiz hoengh.

Duzroeg mbin ’gyae maeh suenfaex,
Bae rog guhhong gaej niemh ranz;
Gwnzmbaq rapnaek songgyaeuj hanz,
Ganj ban foedfoed cungj mbouj nguh.

Nazbyaek henjgim ingj fwjhau,
Dinbya cauzndwet gihgai gok;
Doenghreh vunzlai boenq haeujok,
Hai sok daeh bwnh ndaem haeuxyangz.

Duzrwi seizseiz gaenx gip va,
Gyangnaz ganj sou byaek seizcengx;
Makyungz makmanh rim lozcengh,
Lauxbanj doxnengh gai gwnz fwngz.

Dah ’iq raemxsaw lae mbouj dingz,
Gwnzrai q va ’nding nywj mbaw moq;
Gyoengqvunz diu mieng youh bog loh,
Doxgap guh ndei bienh hong naz.

Miz raemx guenq daengz bwh rauq ndai,
Geij boux haep fai mbouj lau hoj;
Raemj faex dokdongh caemh doxhox,
Caezhoz doxbang sim cungj van.

Yahliuz vat gumz ndaem dungxgva,
Mehbaj bazsek doek faen gyaj;
Doenghnaz lumj baengz gvangqgvaxgvax,
Caezsim dajndaem siuq fukman.

Vadauz nding ’oiq iu roegcak,
Eng doih haihag caen angqyangz;
Doxcing baenaj yamqdin sang,
Lumj rangz caemx fwn hwnghwdfwd.

Raqfwn yaek doek vunz ganj goeng(hong),
Bouxcoz bae ndoeng guenj faex mak;
Dwkbwnh gvejnya guh seuqsag,
Ndawsim gag angq fwenrwenrwen.

Gwnzbiengz onjdingh cwngecwz ndei,
Sevei yungzhab lwgminz angq;
Roengzrengz laebcaux loh bae gvangq,
Cin nyumx runghrangh bienq diegsien.

Ndit ciuq lajmbanj maqmuengh lai,
Lueg naz haigoeng boenq raixcaix;
Doxbang gaenx guh mbouj lau naiq,
Cungj maengx daihdaih caemh vuenyungz.

Faengz

☐Lanz Gozvuj/ 蓝国武

Faengz daengngoenz gvengqyak,
Dak bya dah foed heu;
Dak mbwk sai iq laux,
Angqvauvau diuq ciengq.

Faengz ronghndwen hausi,
Ciuq digiuz ronghrangq;
Vangzhoz raemx bongh nyaengq,
Giuz Cangzgyangh ci mbin.

Faengz seizcin vahai,
Daihgya ganj caux miuz;
Roeg heuh cwz yiengz riu,
Diuq angq ndoi nywj oi q.

Faengz seizzah nditre m j,
Nyez hemqciq cau hcangz;
Coz hanh doek hong gaenx,
Goeng baenq haeujok muengz.

Faengz seizcou rumz liengz,
Ronghndwen hau gvaq cei j;
Gva mak henj rim dei h,

Raeuz miz geij lai angq.

Faengz seizdoeng nae roengz,
Fongz haeux(go) mienh gvaq doeng;
Nae goeb dei h namh mboeng,
Non hai h doengz caez cawz.

Faengz cei qgviq gyanghaet,
Didez ndaet baenz faengx;
Gwnz loh ci mbin faengh,
Ganj muengz bae hwnjban.

Faengz daengz liux banringz,
Caez dingz hong gwn ngaiz;
Ok cangj vunz cei q lai,
Danhvei caez angq faengz.

Faengz daengz le banhaemh,
Caemh roengzban dauqma;
Gak boux bae gak nga,
Gyavunz comz guhdoi h.

Faengz guek raeuz vunz maengx,

Naemj caux ok veisingh;
Naemj caux gihgi yinz,
Caencingq cei q coengmingz.

Faengz raeuz Dangj cunghyangh,
Lwgminz cang ndawsim;
Gauj cinghcunj fuzbinz,
Bya rungh ndaej “sam doeng”.

Faengz haw rungh daihbienq,
Cienz baengh Dangj hai loh;
Raeuz ndaej duet gungzhoj,
Gyo Dangj cwngecwz ndei.

Faengz Dangj raeuz yinghmingz,
Gyimh(caz) ok gij fujbai;
Dawz coh cienz gunghgai h,
Daihgya bekwngz haenh.

Faengz guekgya fouqgiengz,
Faengz minzczu z doxgyaez;
Faengz gya ’gya baenzmeiz(miz),
Faengz mbwn ndei dei h gvangq.

Lauxdoengz

☐Moz Lijginz / 磨礼勤

Laujuj bwn ’gyaeuj raez yaek cw
da, de aeu fwngz roi doxhwnj, loh ok
najriu, hoengheiq lumj siet nei deng
ndit ciuq yaepyet couh yungzvaq, Cinz
lauxbanj sim gaenj daengz congghoz
seizneix menhmenh soeng roengz-
daeuj. Vangz Gencingh ndawsim miz
soq, de itcig song gen doxgeuj, cai h
Laujuj baenzlawz loengh de cungj
mbouj youheiq.

Laujuj doi q Vangz Gencingh
lingh da yawj lo, de riunyumnyum
cam Vangz Gencingh: “Gij nizswjfwj
mwngz caeuq cibroek doengh mizmaz
faenbied?”

Vangz Gencingh naeuz: “Gou
cawx bau ndeu deng cibhaj maenz,

cibroek doengh dwg caengh cib
maenz.”

Cinz lauxbanj raen baucang
caeuq de baeznaengz cawx haenx
doxdoengz, cam: “Gou cawx couh deng
cibroek maenz bau ndeu, mwngz
baenzlawz siuj maenz ndeu?” Vangz
Gencingh naeuz: “Mwngz dwg
lauxbanj, gou cij dwg bouxdajgoeng,
bouxgai hojlien z gou ha.”

Laujuj riu dwk ae mbouj dingz.

(Cibsam)

Mienhcie ngz veiswngghen h roh
raemx, mbouj dwg cienzbou h cungj
roh, dwg cawx gij fuengz raemx

swnggliudai cab miz huqyaez, cawx
daeuj doxcab yungh le, mienhcie ngz
lawz yungh deng gij huqyaez, mienh
de couh nyinh raemx. Vangz
Gencingh caeuq Cinz lauxbanj yaeng
mienhcie ngz rog veiswngghen h mbouj
nyinh raemx couh gvethoi hwnjbae.

Banringz, bouxhongcab daeuj
siuq gij sui jniz fung cauz guenjraemx
haenx okdaeuj le, sui jdengungh niuj
guenjraemx okdaeuj geuj swng h-
liudai hwnjbae ndei couh baenz.

Cinz lauxbanj gvaq cibroek
doengh bae, ndaejnyi gwnz itlaeuz
cauzhuhu, dingq sing hemqcauz lumj
yaek doxdaj, de youq fouqitlaeuz caj

dendih, dou dendih hai le, de mbouj
haeujbae, cienj ndang byai j bae giz
daengx ci, hai ci ma gunghsw h.

(Cibsei q)

Cibroek doengh itlaeuz, Lij
Danenz deng ngeihcib haj vunz humx
youq cungqgyang, de heuh daihgya
vaiq di conx hoiciengz, vunzlai raen
hoj conx lai, bouxboux naemj cib
caengz laeuz aeu conx seuq, yungh
ngeihcib ngoenz seizgan, byawz rox
conx caez le Cinz lauxbanj hawj
dauqcungz guh roengzbae mbouj?

Lij Danenz hix mbouj ndaej
baujingq, “Hojnaengz ndaej ba.” De
naeuz. Vunzlai dingqnyi dwg
“hojnaengz”, simliengz lo, vunzlai
mwngz coenz gou coenz, daihgya
gietdingh heuh Lij Danenz sien hawj
moixvunz cib ngoenz ngaenzhong
caengj guh.

(18)

